

16. jula 1995. godine

ne u Konzulatu RBiH
(so-436/95)

vljuje nevažećim sli-

u SJB Zenica na ime
(so-437/95)

vljuje nevažećim sli-

ne u Ambasadi RBiH
(so-438/95)

vljuje nevažećim sli-

ne u Ambasadi RBiH
(so-439/95)

vljuje nevažećim sli-

dine u Misiji RBiH
(so-440/95)

arajevo-za pe-

672

noj plaći za

674

bruto plaći za-

/svibanj 1995.

674

i odgovorni urednik
7 - Poslovnica, Malta
03-1396 za dinarsko
a: »OKO« dd sa p. o.

natra se proizvodom
a promet proizvoda,
proizvoda koji služe

SLUŽBENI LIST

REPUBLIKE BOSNE I HERCEGOVINE



СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina IV - Broj 28

Ponedjeljak, 31. jula/srpnja 1995.
SARAJEVO

Akontacija pretplate
se utvrđuje
kvartalno

300

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O PLAĆAMA PRIPADNIKA ARMIIJE I POLICIJE REPUBLIKE BOSNE I HERCEGOVINE

I - OPĆE ODREDBE

Član 1.

Ovom uredbom uređuje se visina, struktura i način davanja plaće pripadnika Armije i policije Republike Bosne i Hercegovine (u daljem tekstu: Armija i policija), za vrijeme ratnog stanja.

Član 2.

Pod pripadnikom Armije u smislu člana 1. ove uredbe smatraju se sva lica iz člana 3. Zakona o službi u Armiji Republike Bosne i Hercegovine ("Službeni list RBiH", br. 11/92, 8/93, 17/93, 1/94, 14/94, 16/94, 33/94, 4/95 i 20/95).

Pod pripadnikom policije u smislu člana 1. ove uredbe smatraju se ovlaštena službena lica Ministarstva unutrašnjih poslova.

Pripadnici Armije i policije razvrstavaju se u kategorije, vodeći računa o doprinosu na frontu i oružanoj borbi svakog pripadnika.

Razvrstavanje u kategorije i broj pripadnika po kategorijama i međusobne omjere između pojedinih kategorija vrši Generalštab Armije, Ministarstvo odbrane, Ministarstvo unutrašnjih poslova i Državna uprava za pitanja boraca i invalida domovinskog rata u okviru svojih prava i dužnosti.

II - VISINA, STRUKTURA I NAČIN UTVRĐIVANJA I DAVANJA PLAĆA

Član 3.

Plaća iz člana 1. ove uredbe sastoji se od:

- naturalnog dijela,
- subvencija i
- novčanog dijela.

Plaća iz stava 1. ovog člana predstavlja osnov na koji se vrši obračun doprinosa za penziono i invalidsko osiguranje.

Evidentiranje uplaćenih doprinosa iz stava 2. ovog člana vrši Ministarstvo za izbjeglice i socijalnu politiku u okviru svojih nadležnosti.

Član 4.

Mjesečna plaća iz člana 3. ove uredbe, po pripadniku odnosno korisniku iznosi, prosječno, mjesečno 160 DEM, odnosno u dinarskoj protuvrijednosti, po srednjem kursu koji utvrđuje Narodna banka Bosne i Hercegovine, na dan plaćanja.

Član 5.

Naturalni dio se sastoji od jednog mjesečnog paketa koji sadrži namirnice i sredstva za ličnu higijenu, čiji se sadržaji, vrijednost i izvori finansiranja regulišu odlukom Vlade Republike Bosne i Hercegovine (u daljem tekstu: Vlada).

Član 6.

Subvencija se sastoji od oslobođenja od plaćanja ukupnih ili dijela komunalnih usluga, odnosno troškova stanovanja (stanarine, električne energije, centralnog grijanja, uglja ili drva i PTT usluga, u skladu sa odlukom Vlade.

Subvencija se priznaje u jednokratnom iznosu po porodičnom domaćinstvu.

Član 7.

Naturalni dio i subvencije po pripadniku odnosno korisniku, iznose prosječno mjesečno 90 DEM.

Član 8.

Novčani dio plaće iz člana 3. ove uredbe isplaćuje se mjesečno najmanje u visini od 50% u DEM ili dinarima.

Član 9.

Neisplaćeni dio plaće iz člana 3. ove uredbe, biće pretvoren svakog mjeseca u DEM prema dinarskoj protuvrijednosti po srednjem kursu koji utvrđuje Narodna banka Bosne i Hercegovine na dan obračuna u hartije od vrijednosti.

Za sredstva iz stava 1. ovog člana, u punom iznosu, garantuje Republika Bosna i Hercegovina cjelokupnom svojom imovinom.

Napлата sredstava iz stava 1. ovog člana biće regulisana posebnim propisom.

Član 10.

Sredstva za isplatu plaća obezbjeđuju se u redovnom budžetu, u skladu sa Zakonom o finansiranju javne potrošnje ("Službeni list RBiH", br. 5/95 i 9/95).

III - PRIJELAZNE I ZAVRŠNE ODREDBE

Član 11.

Odredbe ove uredbe primjenjuju se i na porodice poginulih pripadnika Armije i policije i ratne vojne invalide koji su proglašeni nesposobnim za službu u Armiji i policiji, a koji su invalidnost stekli na službi u Armiji i policiji.

Član 12.

Ako pripadniku Armije ili policije, odnosno korisniku iz člana 11. ove uredbe pripada pravo na plaću ili penziju po drugom osnovu, može ostvariti samo jedno od prava koje je za njega povoljnije.

Član 13.

Ministar odbrane i Ministar unutrašnjih poslova, donijet će Uputstvo o sprovođenju ove uredbe u roku od 15 dana od dana stupanja na snagu ove uredbe.

Član 14.

Pravo na plaću iz člana 3. ove uredbe pripada od 01. jula 1995. godine.

Član 15.

Pravo na plaću, obračun i isplata za pripadnike iz člana 1. ove uredbe od dana sticanja statusa pripadnika do 01. jula 1995. godine, regulisat će se posebnim propisom.

Član 16.

Najniža plaća u smislu Zakona o plaćama i drugim ličnim primanjima radnika ("Službeni list RBiH", broj 21/95), primjenjuje se i na pripadnike i korisnike utvrđene ovom uredbom.

Na pripadnike oružanih snaga koji nisu obuhvaćeni ovom uredbom primjenjuju se odredbe zakona iz stava 1. ovog člana.

Član 17.

Danom stupanja na snagu ove uredbe, prestaju da važe Zakon o mjesečnim novčanim primanjima i novčanim naknadama pripadnika oružanih snaga Republike Bosne i Hercegovine i o materijalnom obezbjeđenju njihovih porodica za vrijeme ratnog stanja ("Službeni list RBiH", br. 3/93 i 13/94) i Zakon o platama i naknadama pripadnika oružanih snaga, unutrašnjih poslova, kazneno popravni organizacija i odbrane ("Službeni list RBiH", br. 11/93 i 13/94).

Član 18.

Ova uredba stupa na snagu danom objavljivanja u "Službenom listu RBiH".

PR broj 1817/95
28. jula 1995. godine
Sarajevo

Predsjednik
Predsjedništva RBiH,
Alija Izetbegović, s. r.

Okrug Sarajevo

Na osnovu člana 20. stav 2. Zakona o obrazovanju i radu Okruga ("Službeni list RBiH", br. 12/92, 14/92, 18/92, 21/92, 3/93, 22/93, 13/94 i 9/95), Predsjedništvo Skupštine okruga Sarajevo, na 14. sjednici održanoj dana 29. jula 1995. godine, donosi

ODLUKU

O IMENOVANJU SEKRETARA OKRUŽNOG
SEKRETARIJATA ZA BORAČKO-INVALIDSKU
I ZAŠTITU

I

Za sekretara Okružnog sekretarijata za boračko-invalidsku zaštitu imenuje se NIHAĐ HALILBEGOVIĆ.

II

Ovu odluku objaviti u "Službenom listu RBiH".

Broj 01-111-1/95
29. jula 1995. godine
Sarajevo

Predsjednik
Predsjedništva okruga,
Mustafa Pamuk, s. r.

Narodna banka Bosne i Hercegovine

Na osnovu člana 15. stav 1. podtačka 2) i člana 82. stav 1. pod a)/17. Zakona o Narodnoj banci Bosne i Hercegovine ("Službeni list RBiH", br. 1/93 i 13/94) i Odluke o ciljevima i zadacima monetarno-kreditne politike u 1995. godini ("Službeni list RBiH", br. 11/95 i 19/95), guverner Narodne banke Bosne i Hercegovine, donosi

ODLUKU

O IZMJENAMA I DOPUNAMA ODLUKE O
USLOVIMA ZA DAVANJE KRATKOROČNIH
KREDITA IZ PRIMARNE EMISIJE BANKAMA

1. U Odluci o uslovima za davanje kratkoročnih kredita iz primarne emisije bankama ("Službeni list RBiH", broj 14/95), u tački 8. stavu 1. riječi: "krompira, luka, graha", zamjenjuju se riječima: "voća i povrća i preradevina od voća i povrća."

2. U tački 10. alineji 1. riječi: "krompir, luk, grah", zamjenjuju se riječima: "voće i povrće", a u alineji 2. iste tačke, riječi: "krompira, luka i graha", zamjenjuju se riječima: "voća i povrća i preradevina od voća i povrća."

3. U tački 12. dodaje se novi stav, koji glasi:

"Izuzetno, Narodna banka, može banci dati avans za kreditiranje proizvodnje, zaliha i rezervi osnovnih poljoprivredno-prehrambenih proizvoda utvrđenih ovom odlukom, u visini iz stava 1. ove tačke, ukoliko banka u roku od najkasnije tri radna dana podnese dokumentaciju iz tačke 11. ove odluke."

4. Ova odluka stupa na snagu danom donošenja i objavit će se u "Službenom listu RBiH".

G broj 54/95

17. jula 1995. godine
Sarajevo

Guverner

Narodne banke BiH,
Kasim Omićević, s. r.

Na osnovu čl. 52. i 82. stav 1. pod a)/18. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O DOPUNI ODLUKE O NAČINU OBAVLJANJA
KONTROLE I IZRICANJU MJERA BANKAMA I
DRUGIM FINANSIJSKIM ORGANIZACIJAMA

1. U Odluci o načinu obavljanja kontrole i izricanju mjera bankama i drugim finansijskim organizacijama ("Službeni list RBiH", broj 14/93), u tački 5. iza stava 2. dodaje se novi stav 3, koji glasi:

"U izuzetnim slučajevima, zavisno od objektivnih okolnosti provođenja postupka kontrole, Narodna banka može sastaviti zapisnik o obavljenoj kontroli i dostaviti ga banci i u roku dužem od roka propisanog u stavu 2. ove tačke."

2. Dosadašnji st. 3. i 4. tačke 5. postaju st. 4. i 5.

3. Ova odluka stupa na snagu osmog dana od dana objavljivanja u "Službenom listu RBiH".

G broj 55/95
24. jula 1995. godine
Sarajevo

Guverner
Narodne banke BiH,
Kasim Omićević, s. r.

pasoš BH 202046 izdat 24. 9. 1993. godine u Ambasadi R BiH Beč na ime ŠABANOVIĆ ENISA;

pasoš BH 463031 izdat 1. 12. 1993. godine u Ambasadi R BiH Beč na ime HUSKIĆ ADMIR;

pasoš BH 068188 izdat 9. 7. 1994. godine u Ambasadi R BiH Beč na ime UJKANOVIC KADRIJA;

pasoš BH 286591 izdat 10. 6. 1993. godine u Ambasadi R BiH Zagreb na ime SKAKIĆ MUHAREM;

pasoš BH 072811 izdat 21. 12. 1992. godine u Ambasadi R BiH Beč na ime DEDIĆ DŽEVAD;

pasoš BH 076530 izdat 19. 1. 1993. godine u Ambasadi R BiH Beč na ime ALDŽIĆ HASIB;

pasoš BH 307943 izdat 25. 9. 1993. godine u Ambasadi R BiH Zagreb na ime KESEROVIĆ HATA;

pasoš BH 035686 izdat 16. 6. 1994. godine u Ambasadi R BiH Beč na ime ŠARČEVIĆ NEVENKA. (so-447/95)

Ministarstvo unutrašnjih poslova objavljuje nevažećim slijedeće putne isprave:

pasoš BH 349714 izdat 14. 1. 1994. godine u GK R BiH Štuttgart na ime ZULČIĆ ELEZ;

pasoš BH 220127 izdat 23. 11. 1993. godine u Ambasadi R BiH Zagreb na ime JURICIĆ JANJA;

pasoš BH 344083 izdat 13. 12. 1993. godine u GK R Štuttgart na ime VASILJ BRANISLAV;

pasoš BH 361791 izdat 20. 4. 1994. godine u GK R Štuttgart na ime SALIHOVIĆ EFRAIM;

pasoš BH 147521 izdat 11. 9. 1993. godine u GK R Štuttgart na ime JUSUFOVIĆ HUSEIN;

pasoš BH 597517 izdat 15. 11. 1994. godine u CSB Br na ime FAZLIĆ ZINETA. (so-448/95)

Ministarstvo unutrašnjih poslova objavljuje nevažećim slijedeće putne isprave:

pasoš BH 023192 izdat 1. 2. 1995. godine u SJB Tarčin na ime ČOVIĆ SABINA;

pasoš BH 034850 izdat 24. 11. 1994. godine u GK R Štuttgart na ime DOSTIĆ SVETLANA;

pasoš BH 445547 izdat 23. 8. 1993. godine u GK R Minhena na ime DŽANIĆ NOVALIJA;

pasoš BH 264778 izdat 15. 10. 1993. godine u GK R Štuttgart na ime ČOROVIĆ REFKO;

pasoš BH 265414 izdat 22. 9. 1993. godine u Ambasadi R BiH Ljubljana na ime REKIĆ HASAN;

pasoš BH 658040 izdat 9. 3. 1995. godine u GK Štuttgart na ime NESLANOVIĆ ŠAČIR. (so-449/95)

SADRŽAJ

300 Uredba sa zakonskom snagom o plaćama pripadnika Armije i policije Republike Bosne i Hercegovine 677

OKRUG SARAJEVO

Odluka o imenovanju sekretara Okružnog sekretarijata za boračko-invalidsku zaštitu 678

NARODNA BANKA BOSNE I HERCEGOVINE

Odluka o izmjenama i dopunama Odluke o uslovima za davanje kratkoročnih kredita iz primarne emisije bankama 678

Odluka o dopuni Odluke o načinu obavljanja kontrole i izricanju mjera bankama i drugim finansijskim organizacijama 678

Obrasci za godišnji i polugodišnji obračun za SVE korisnike mogu se nabaviti uz plaćanje gotovinski ili preko žiro-računa u:

- "Službenom listu R BiH",

Magribija broj 3 i

- Poslovnici "Službenog lista R BiH",

Malta broj 21



Izdavač: Novinsko-izdavačka organizacija Službeni list R BiH - Sarajevo, Ulica Magribija 3 - Poštanski fah 3 - Direktor i odgovorni urednik Mehmedalija Huremović - Telefoni - direktor: 663-470, fax 663-470 - Redakcija i Pretplata: 663-471 - Računovodstvo: 651-257 - Poslovnica, Malta 21, telefon 657-441 - Akontacija pretplate se utvrđuje kvartalno, a uplata se vrši UNAPRIJED u korist računa: 10100-603-1396 za dinarsko poslovanje i računa: 10100-603-639 za devizno poslovanje - Kompjuterska obrada: NIO Službeni list R BiH Sarajevo - Štampa: »OKO« dd sa p. o. Sarajevo - Za štampariju Rasim Rapa - Reklamacije za neprimljene brojeve primaju se 20 dana od izlaska lista.

Prema mišljenju Ministarstva obrazovanja, nauke, kulture i sporta broj: 08-114-4/95 od 13. 3. 1995. godine, službeno glasilo smatra se proizvodom iz člana 19. stav 1. tačka 12. Uredbe sa zakonskom snagom o porezu na promet proizvoda i usluga, za koje se ne plaća porez na promet proizvoda, a po mišljenju Ministarstva finansija broj 05-021-1768/95 od 28. 3. 1995. godine, prodaja službenog glasila ne spada u prodaju proizvoda koji služe krajnjoj ličnoj potrošnji, te ne podliježe plaćanju poreza na malo.